



МОНГОЛ УЛС
АВЛИГАТАЙ ТЭМЦЭХ ГАЗАР

14250 Улаанбаатар хот, Сүхбаатар дүүрэг,
Сөүлийн гудамж 41, Утас: 7011-0251, Факс: (976) 7011-2460,
E-mail: comcor@iaac.mn, http://iaac.mn

2014.08.05 № 02/6529
танай _____-ны № _____-г

Зөвлөмж хүргүүлэх тухай

Авлигатай тэмцэх газраас томилогдсон ажлын хэсэг 2014 оны 5 дугаар сарын 19-ний өдрөөс 6 дугаар сарын 19-ний өдөр хүртэл Хөвсгөл аймгийн иргэдийн Төлөөлөгчдийн Хурал, Засаг даргын Тамгын газар, аймгийн Засаг даргын эрхлэх асуудлын хүрээний агентлагууд, 23 суманд ажилласан.

Ажлын хэсэг батлагдсан удирдамжийн дагуу Авлигын эсрэг хууль, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн хэрэгжилттэй танилцах явцад дараахь нийтлэг зөрчил, дутагдал илэрсэн:

1. Нийтийн албанд томилогдохоор нэр дэвшсэн этгээдийн Хувийн ашиг сонирхлын урьдчилсан мэдүүлгийг Авлигатай тэмцэх газраар хянуулалгүй томилсон, Үнэлгээний хорооны гишүүд ашиг сонирхлын зөрчилгүй гэдгээ илэрхийлэх, зөрчил үүссэн тухай мэдэгдэл гаргалгүйгээр бараа, ажил үйлчилгээ худалдан авах үйл ажиллагаа зохион байгуулдаг, албан тушаалтан албан үүргээ гүйцэтгэхдээ өөрийн болон өөртэй нь хамаарал бүхий этгээдийн хувийн ашиг сонирхлыг хөндсөн захиргааны акт гаргасан;

2. Төрийн жинхэнэ албан хаагчид аймаг, сумдын иргэдийн Хурлын Төлөөлөгчийн сонгуульт ажлыг давхар гүйцэтгэн Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 18 дугаар зүйлд заасан “Давхар ажил эрхлэхтэй холбогдсон хязгаарлалт” болон Төрийн албаны тухай хуулийн 15 дугаар зүйлийн 15.1.8-д “аймаг, нийслэл, сум, дүүргийн иргэдийн Төлөөлөгчдийн Хурлын төлөөлөгчөөр сонгогдох, аж ахуйн нэгж, нам, олон нийтийн бусад байгууллагад орон тооны албан тушаал хавсран гүйцэтгэхийг хориглоно.” гэж заасныг зөрчсөн;

3. Зарим сумын Засаг дарга нараас Иргэд байгууллагад хандан ойн арга хэмжээ тэмдэглэн өнгөрүүлэх, урлагийн тэмцээн, уралдаан зохион байгуулахтай холбогдуулан хүсэлт гарган хандив авах байдлаар Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 17 дугаар зүйлийн 17.1 дэх “... Санхүүгийн туслалцаа авах, хүсэхийг хориглоно.” гэсэн заалтыг зөрчсөн;

4. Сумдын Засаг дарга нар ой, баяр наадам тэмдэглэх, шагнал урамшуулал олгох, нийгмийн халамжийн чиглэлээр олгогддог тэтгэлэг, тусламж, сургалт, зөвлөгөөн гэх мэт олон арга хэмжээний хөрөнгийг Засаг даргын нөөц хөрөнгөөс зарцуулсан нь Сангийн сайдын 2012 оны 239 дүгээр тушаалаар батлагдсан “Засаг даргын нөөц хөрөнгийн зориулалт, зарцуулалтын нийтлэг журам”-д заасныг баримтлаагүй байх бөгөөд Засгийн газрын 2002 оны 200 дугаар тогтоолоор баталсан “Төсвийн үр ашиггүй зардлыг

012871

бууруулах, зарим арга хэмжээний тухай” тогтоолоор орон нутгийн чанартай наадам, урлаг спортын төрөл бүрийн тэмцээн зохион байгуулах, салбарын ой тэмдэглэх зэргийг төсвийн хөрөнгөөр санхүүжүүлэхийг хориглохоор заасныг илтэд зөрчиж, үр ашиггүй зарцуулсан шийдвэрүүд гаргасан;

5. Засгийн газрын 2010 оны 271 дүгээр тогтоолоор Орон нутгийн хөгжлийн сангийн хөрөнгөөс Баяр наадмын зардалд тогтоосон жишиг хэмжээнээс хэт их хэтрүүлэн төлөвлөж, зарцуулсан;

6. Орон нутгийг хөгжүүлэх бүтээн байгуулалтын ажлын гүйцэтгэгчийг сонгон шалгаруулахдаа бусдад давуу байдал олгох, гэрээний шаардлагыг хангуулан чанартай гүйцэтгүүлэх талаар явц байдлын хяналт хангалтгүй байснаас зарим нэгэн ажил чанаргүй хийгдсэн;

7. Сум хөгжүүлэх сангаас зээл авсан иргэд төслийн дагуу үйл ажиллагаа явуулаагүй, зориулалтын бусаар ашигласан, зээл авсан төслийн материал олдохгүй байх, ИТХ-ын тогтоол, Засаг даргын захирамжгүйгээр хөрөнгө гаргах зэрэг зөрчлүүд сум бүрт нийтлэг байв.

Түүнчлэн Авлигатай тэмцэх газрын даргын 2013 оны 5 дугаар сарын 31-ний өдрийн “Зөвлөмж”-ийн дагуу авсан арга хэмжээ, ЗДТГ-ын авлигын эсрэг төлөвлөгөө, Тамгын газрын ил тод байдал, иргэдээс гомдол мэдээлэл хүлээн авч шийдвэрлэж байгаатай танилцахад Зөвлөмжийн биелэлт хангалтгүй байна.

Авлигатай тэмцэх газрын даргын 2013 оны 5 дугаар сарын 31-ний өдрийн Зөвлөмжийн хүрээнд 23 ажил хэрэгжүүлэхээс авлигад эрсдэлтэй ажлын байрны судалгаа жагсаалт гаргах, хамаарал бүхий этгээдүүдийн ажил эрхлэлтийн нэгдсэн судалгаа гаргах ажлууд хэрэгжээгүйгээс гадна аймгийн Засаг даргын Тамгын газрын цахим хуудсанд төсөв санхүү, худалдан авах үйл ажиллагааны шалгарсан болон шалгараагүй оролцогчдын талаарх мэдээллүүдийг ил тод нээлттэй болгох чиглэлээр өгсөн мэдээлэл арга зүйн зөвлөгөөг хэрэгжүүлэх арга хэмжээг авах нь зүйтэй.

Үүний зэрэгцээ улсын хүчин төгөлдөр үйлчилж байгаа хууль тогтоомжийг чанд мөрдөж, дээр дурьдсан зөрчил дутагдлыг дахин гаргахгүйгээр ажиллах талаар ЗДТГ, эрхлэх асуудлын хүрээний байгууллага, сумын удирдлага, албан тушаалтнуудад чиглэсэн тодорхой ажлуудыг зохион байгуулахыг Авлигын эсрэг хуулийн 18 дугаар зүйлийн 18.1.6 дахь заалтын дагуу авлигын гэмт хэрэг, ашиг сонирхлын зөрчлөөс урьдчилан сэргийлэх ажлыг зохион байгуулах, хяналт тавих бүрэн эрхийнхээ хүрээнд Зөвлөмж болгож байна.

Зөвлөмжийн хүрээнд хийж гүйцэтгэсэн ажлын тайланг 2014 оны 11 дүгээр сарын 1-ний өдрийн дотор ирүүлнэ үү.

Ажлын хэсгийн ... хуудас тайланг хавсаргав.

ДЭД ДАРГА,
ЭРХЭЛСЭН КОМИССАР



Б.ХУРЦ